

საკრებულოს დადგენილების პროექტზე

“ წყალტუბოს მუნიციპალიტეტის 2026 წლის ბიუჯეტის შესახებ“

ა) ზოგადი ინფორმაცია დადგენილების შესახებ:

ა.ა) დადგენილების მიღების მიზეზი:

დადგენილება მომზადებულია საქართველოს ადგილობრივი თვითმმართველობის კოდექსის 24-ე და 91 მუხლების შესაბამისად და განსაზღვრავს 2026 წლის განმავლობაში მისაღები შემოსულობებისა და გასაწევი გადასახდელების მაჩვენებლებს.

ა.ა.ა) პრობლემა რომლის გადაჭრასაც მიზნად ისახავს დადგენილება:

საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას.

ა.ა.ბ) არსებული პრობლემის გადასაჭრელად დადგენილების მიღების აუცილებლობა:

საქართველოს ადგილობრივი თვითმმართველობის კოდექსის და საქართველოს საბიუჯეტო კოდექსის თანახმად მუნიციპალიტეტის ბიუჯეტის დამტკიცების შესახებ დადგენილების პროექტის მუნიციპალიტეტის აღმასრულებელი ორგანოს მიერ მომზადება და მუნიციპალიტეტის საკრებულოს მიერ განხილვა და დამტკიცება ხორციელდება ყოველწლიურად.

ა.ბ) დადგენილების პროექტის მოსალოდნელი შედეგი:

„საქართველოს საბიუჯეტო კოდექსის“ 77-ე მუხლის შესაბამისად, 2026 წლის მუნიციპალიტეტის ბიუჯეტის შემოსულობების, გადასახდელების და ნაშთის ცვლილების დამტკიცება.

ა.გ) დადგენილების პროექტის ძირითადი არსი:

პანდემიის შემდგომ პერიოდში მუნიციპალიტეტში პროგნოზირებულ ბიუჯეტთან შედარებით გაცილებით მაღალი ეკონომიკური ტენდენციები იყო. როგორც 2021 წელს, ასევე 2022-23-24 წლებში. აღნიშნულ წლებში ეკონომიკური პარამეტრები ზრდის მიმართულებით დაკორექტირდა. ე.წ. პოტენციურ ზრდასთან შედარებით რეალური ეკონომიკური ზრდის ტემპი მაღალი იყო 2025 წელს ანუ დაგეგმილთან შედარებით მაღალი ეკონომიკური ტენდენციებია 2025 წელსაც 9 თვის მონაცემებით, ბიუჯეტის ზრდა 40 %-ს შეადგენს (დაგეგმილი იყო 17%).

ისევე როგორც წინა წლებში, 2026 წლის ბიუჯეტიც ამ ეტაპზე დაგეგმილია კონსერვატიული მიდგომით და გათვალისწინებულია შემდეგი მაკროეკონომიკური პარამეტრები:

ძირითადი მაკროეკონომიკური მაჩვენებლები

წყალტუბოს მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

აღნიშნულიდან გამომდინარე მუნიციპალიტეტის 2026 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

საქართველოს საბიუჯეტო კოდექსის 77-ე მუხლის მეექვსე პუნქტის შესაბამისად მიმდინარე წლის 5 ოქტომბერს საქართველოს ფინანსთა სამინისტრომ მუნიციპალიტეტებს აცნობა დასაგეგმი საბიუჯეტო წლის ძირითადი საბიუჯეტო პარამეტრები და მაკროეკონომიკური პროგნოზები,

წარმოდგენილი პროგნოზების გათვალისწინებით მომზადდა წყალტუბოს მუნიციპალიტეტის 2026-2029 წლების ბიუჯეტის შემოსულობების და გადასახელების საშუალოვადიანი სამოქმედო გეგმა. მხედველობაში იქნა მიღებული მუნიციპალიტეტის საკუთარი უფლებამოსილებები და ვალდებულებები, ყველა ის სოციალური და ინფრასტრუქტურული დაპირება რაც გაცემულია მუნიციპალიტეტის მერიის და საკრებულოს მიერ.

მთლიანობაში მუნიციპალიტეტის 2026 წლის ბიუჯეტს არ განუცდია მნიშვნელოვანი ცვლილებები, არ შეცვლილა ძირითადი პრიორიტეტული მიმართულებები. 2026 წელს მისაღები დამატებითი რესურსით მინიმალურად გაიზარდა მიმდინარე ხარჯები, არსებული პარამეტრებით ზრდის უდიდესი ნაწილი მიმართულია ინფრასტრუქტურული პროექტების დაფინანსებზე.

ბიუჯეტის პარამეტრები: 2026 წლის ბიუჯეტი განისაზღვრა 38 500 000 ათასი ლარით.

2025 წლის დამტკიცებულ ბიუჯეტთან მიმართებაში გაზრდილია 3 124,7 ათასი ლარით.

საგადასახადო შემოსავლები

საგადასახადო შემოსავლების საპროგნოზო მაჩვენებლები საქართველოს საბიუჯეტო კოდექსის 77-ე მუხლის 6-ე და 6¹-ე პუნქტების გათვალისწინებით შეესაბამება საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებს.

პროგნოზით 2026 წლის მუნიციპალიტეტის ბიუჯეტის საგადასახადო შემოსავლები 32478.0 ათას ლარს შეადგენს. 2025 წლის გეგმიურ მაჩვენებელთან შედარებით 2026 წლის საგადასახადო შემოსავლების პროგნოზი იზრდება 1 638.9,0 ათასი ლარით .

2026 წელს საგადასახადო შემოსავლების პროგნოზი გადასახადების სახეების მიხედვით შემდეგია:

1. დამატებული ღირებულების გადასახადის მუნიციპალიტეტების მიერ დღგ-ის სახით მისაღები შემოსავლები პროგნოზირებულია 2 170,0 მლნ ლარის (ჯამური დღგ-ის 20%) ოდენობით და ნაწილდება საქართველოს საბიუჯეტო კოდექსით დადგენილი წესით. წყალტუბოს მუნიციპალიტეტის საპროგნოზო მაჩვენებელი განისაზღვრა 29 078,0 ათასი

ლარით. სახელმწიფოს მიერ პროგნოზირებული დამატებული ღირებულების გადასახადიდან, წყალტუბოს მუნიციპალიტეტის ბიუჯეტში მიიმართება გასანაწილებელი დამატებული ღირებულების გადასახადის 1.34 %, რაც ნომინალურ გამოხატულებაში საორიენტაციოდ შეადგენს 29 078.0 ათას ლარს, რომელიც წლის განმავლობაში შესაძლებელია დაკორექტირდეს დამატებული ღირებულების გადასახადის საკასო შემოსავლის მიხედვით. 2025 წლის გეგმიურ მაჩვენებელთან შედარებით 2026 წლის დამატებითი ღირებულების გადასახადიდან შემოსავლების პროგნოზი იზრდება 1 838, 7 ათასი ლარით. აღნიშნული მოცულობით ზრდა გამოწვეულია დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით.

2. ქონების გადასახადის 2026 წლის საპროგნოზო მაჩვენებელი შეადგენს 3 400,0 ათას ლარს;

3. გრანტების სახით დაგეგმილი მაჩვენებლები (მიზნობრივი ტრანსფერი) განისაზღვრება 341.4 ათასი ლარით. მიზნობრივი ტრანსფერის ძირითადად მოხმარდება ა(ა)იპ „საზოგადოებრივი ჯანდაცვის“ ფუნქციონირებას.

4. 2026 წელს არა საგადასახადო შემოსავლების გეგმის პროგნოზი შეადგენს 5 380.6 ათას ლარს. წინა საანგარიშო წლის მაჩვენებელთან შედარებით არასაგადასახადო შემოსავლების გეგმა გაიზარდა 1 358.6 ათასი ლარით. იგი 2025 წელს შეადგენდა 4 022.0 ათას ლარს.

განვლილმა პერიოდმა გვაჩვენა რომ მომდევნო წლის ბიუჯეტის შემოსავლების ზუსტი პროგნოზირება შეუძლებელია. 2026 წლის არა საგადასახადო შემოსავლების გეგმის პროგნოზი გაკეთდა საშუალო მაჩვენებლის პრინციპით. რადგან შემოსავლების კუთხით არსებული გაურკვევლობა თავის მხრივ აისახება ხარჯების საშუალოვადიანი დაგეგმვისათვის სწორი პროგნოზების გაკეთებაზე. არა საგადასახადო შემოსავლის გეგმა გაითვალისწინება იმ იმედით რომ წლის განმავლობაში შესაძლებელია შესაბამისი ცვლილების შეტანა დაგეგმილ საპროგნოზო მაჩვენებელში.

2026 საბიუჯეტო წლის არასაგადასახადო შემოსავლების გეგმა სახეების მიხედვით შემდეგია:

- **შემოსავლები საკუთრებიდან განსაზღვრულია 340,0 ათასი ლარის ოდენობით, მათ შორის:**
 - ✓ მოსაკრებელი ბუნებრივი რესურსების სარგებლობისათვის 300,0 ათასი ლარი.
 - ✓ მიწის იჯარა-40,0 ათასი ლარი.
- **შემოსავლები საქონელისა და მომსახურების რეალიზაციიდან განსაზღვრულია 3 775.2 ათასი ლარის ოდენობით, მათ შორის:**
 - ✓ სანებართვო მოსაკრებლები 50,0 ათასი ლარი;

სათამაშო ბიზნესის მოსაკრებელი 3 455.2 ათასი ლარი;

სათამაშო ბიზნესის მოსაკრებლის გეგმის ზრდა განაპირობა ახალი სამორინე ობიექტების ასეობამ. დღეის მდგომარეობით მუნიციპალიტეტის ტერიტორიაზე ფუნქციონირებს ოთხი სამორინე.

მოსაკრებელი დასახლებული ტერიტორიის დასუფთავებისათვის 200.0 ათასი ლარი;

შემოსავალი შენობებისა და ნაგებობების იჯარაში ან მართვაში (უზურფრუქტი, ქირავნობა და სხვა) გადაცემიდან 70,0 ათასი ლარი;

შემოსავლები სანქციები, ჯარიმები და საურავებიდან განსაზღვრულია 1 195.4 ათასი ლარის ოდენობით.

შრეული სხვა არაკლასიფიცირებული შემოსავალი 70.0 ათასი ლარი.

4. არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 300.0 ათას ლარს.

არაფინანსური აქტივების კლების (პრივატიზაციის) სახით მისაღები შემოსავლების გეგმის პროგნოზირება განხორციელდა მინიმალური პროგნოზების ფარგლებში, მუნიციპალიტეტში არსებული საპრივატიზებო გეგმის შესაბამისად. გამომდინარე იქედან რომ შეუძლებელია სახელმწიფოს მიერ გასაყიდი ქონების მუნიციპალური წილის სწორი პროგნოზირება. აღნიშნულ გადაწყვეტილებას განაპირობებს ის რომ მუნიციპალიტეტის მიერ არ მოხდეს შეუსრულებელი დაპირებების გაცემა. აღნიშნული ეხება როგორც მიმდინარე (მათ შორის, სოციალურ), ასევე კაპიტალურ ხარჯებს. გამომდინარე აქედან არაფინანსური აქტივების კლების (პრივატიზაცია) სახით მისაღები თანხების გეგმა განისაზღვრა განვახორციელეთ 300.0 ათასი ლარით. ანუ 140.0 ათასი ლარით მეტი 2025 წლის (160.0 ათას ლარით.) მაჩვენებელთან შედარებით.

. მათ შორის არაწარმოებული აქტივების გაყიდვიდან გეგმა განისაზღვრა 200.0 ათასი ლარი.

- შენობა ნაგებობების გაყიდვიდან გეგმა განისაზღვრა - 100,0 ათასი ლარი.

ყოველივე აღნიშნულის გათვალისწინებით, წყალტუბოს მუნიციპალიტეტის 2026 წლის ბიუჯეტის საშემოსავლო ნაწილის გეგმის საპროგნოზო მაჩვენებელი განისაზღვრა 38 500.0 ათასი ლარის ოდენობით.

მუნიციპალიტეტის ბიუჯეტის გადასახდელები

წყალტუბო იმ უიშვიათესი კურორტების რიცხვს მიეკუთვნება, რომელთა დაგეგმარება, განაშენიანება მეცნიერულად დასაბუთებული, ორიგინალური გენერალური გეგმის მიხედვით ხორციელდება. ერთ-ერთი ყველაზე სწრაფად მზარდი ქალაქია საქართველოში, რომელიც უზრუნველყოფს ინფრასტრუქტურის მოწესრიგებას, ქალაქის ცნობადობის გაზრდას, გამართული სპორტული და კულტურული ინფრასტრუქტურის შექმნას და ეკოლოგიური გამწვანების სტანდარტების დაცვას.

აღსანიშნავია, რომ 2026 წლის მუნიციპალიტეტის ბიუჯეტის ხარჯვით ნაწილში ასახულია დამატებითი ხარჯები, აქვე მინდა ავღნიშნო, რომ 2026 წლის ბიუჯეტში, ყველა პრიორიტეტების დაგეგმვისას გათვალისწინებული იქნა ქალთა და მამაკაცთა თანასწორობის პრიციპი. თანასწორობის პოლიტიკა. ქალების საჭიროებების, მოთხოვნებისა და ინტერესების გატარების გზით.

მუნიციპალიტეტში შემუშავებულია მუნიციპალიტეტის საშუალოვადიანი განვითარების დოკუმენტი. რომელიც უზრუნველყოფს მოსახლეობის სოციალური და ეკონომიკური მდგომარეობის გაუმჯობესებას და მუნიციპალიტეტის მიერ სწორი გადაწყვეტილების მიღებას მიმდინარე გამოწვევების საპასუხოდ. მუნიციპალიტეტის ფინანსური და მატერიალური რესურსების

ეფექტიან მართვას, ადგილობრივი პოტენციალის მაქსიმალურ გამოყენებას.

ამ მიზნის მისაღწევად მუნიციპალიტეტის განვითარების ხედვა ეფუძნება შემდეგ პრინციპებს:

ხედვა: წყალტუბო - დასავლეთ საქართველოს ლიდერი ქალაქია, სადაც არსებული რესურსების ეფექტიანი და მდგრადი გამოყენებით უზრუნველყოფილია ყველასათვის თანაბარი განვითარების შესაძლებლობები. მიმზიდველია საცხოვრებლად, სამუშაოდ, ბიზნესის კეთებისათვის, ტურიზმისა და დასვენებისათვის, როგორც ადგილობრივი მოსახლეობისათვის, ასევე ქალაქის სტუმართათვის. სწრაფი ეკონომიკური ზრდა მოსახლეობის კეთილდღეობის ამაღლების და სიღარიბის შემცირების წინაპირობაა,

მისია: წყალტუბოს მუნიციპალიტეტის იმაში მდგომარეობს, რომ დაკავშირებული მხარეების ფართო ჩართულობით უზრუნველყოს:

- საინვესტიციო და სამეწარმეო გარემოს გაუმჯობესება;
- მუნიციპალიტეტის ინფრასტრუქტურის მოწესრიგება;
- ქალაქის ცნობადობის გაზრდა;
- ტურისტული ატრაქციების გაუმჯობესებას და მათი მიმზიდველობის ზრდა;
- გამართული სპორტული და კულტურული ინფრასტრუქტურის შექმნა;
- ეკოლოგიური და გამწვანების სტანდარტების დაცვა.

წყალტუბოს მუნიციპალიტეტისათვის მნიშვნელოვანია ისტორიულად მიმზიდველი გარემოს შენარჩუნება და განვითარება. მისი ტურისტული პოტენციალის მაქსიმალური გამოვლენა. რაც გულისხმობს მიმზიდველი გარემოს შექმნას და ტურიზმის განვითარებით წყალტუბოს მოსახლეობის ეკონომიკურ გაუმჯობესებას.

ეფექტურად გაგრძელდება ყველა ისეთი საჭირო კომუნიკაციების მშენებლობა რეაბილიტაცია, როგორცაა გზები, გარე განათება, წყალმომარაგება და სხვა. რათა მაქსიმალურად ხელი შეეწყოს ინვესტიციების მოზიდვას და ეკონომიკის განვითარებას.

აქედან გამომდინარე 2026 წლის განმავლობაში გაგრძელდება საგზაო ინფრასტრუქტურის მშენებლობა-რეაბილიტაცია, ქალაქის საცხოვრებელი უბნების ეზოების, არსებული წყალმომარაგების და საკანალიზაციო სისტემის, აგრეთვე გარე განათების ქსელის რეაბილიტაცია. თვითმმართველი ერთეულების ტერიტორიულ ორგანოებში უზრუნველყოფილი იქნება სარწყავი არხების გაწმენდა-რეაბილიტაცია. მუნიციპალური ინფრასტრუქტურის მშენებლობისა და რეაბილიტაციის გარდა პრიორიტეტის ფარგლებში განხორციელდება არსებული ინფრასტრუქტურის მოვლა შენახვა და დაფინანსდება მის ექსპლოატაციასთან დაკავშირებული ხარჯები.

პრიორიტეტების მიხედვით გათვალისწინებულია:

ინფრასტრუქტურის განვითარება - 9 368,9 ათასი ლარი;

აღსანიშნავია, რომ ინფრასტრუქტურის განვითარების პრიორიტეტის დაფინანსებას ყველაზე დიდი ხვედრითი წილი უჭირავს მუნიციპალიტეტის ბიუჯეტის ხარჯებით ნაწილში. ადგილობრივი ინფრასტრუქტურის განვითარებაზე სახსრების მიმართებით უზრუნველყოფილი იქნება მუნიციპალიტეტში მცხოვრები მოსახლეობის სოციალურ-ეკონომიკური მდგომარეობის გაუმჯობესება, რაც ხელს შეუწყობს .მუნიციპალიტეტში ახალი სამუშაო ადგილების შექმნას, ინფრასტრუქტურის მნიშვნელოვანი გაუმჯობესება, ტურიზმის, კულტურისა და სპორტის სფეროების განვითარებას. მუნიციპალიტეტისათვის მნიშვნელოვანია, რომ 2026-2029 წლებში მუნიციპალიტეტის წარმომადგენლობითი და აღმასრულებელი ორგანოების მიერ გადადგმულმა ნაბიჯებმა უნდა შექმნას საშუალო ვადიან პერიოდში მუნიციპალიტეტის სოციალური და ეკონომიკური განვითარების მყარი საფუძვლები.

✓ საგზაო ინფრასტრუქტურის განვითარება -2 228,9 ათასი ლარი;

საგზაო ინფრასტრუქტურის განვითარების პროგრამის ფარგლებში , რომელიც მოიცავს სამ ქვეპროგრამას გზებისა და ტროტუარების კაპიტალური შეკეთება, გზებისა და ტროტუარების მიმდინარე შეკეთება და საგზაო ნიშნები და უსაფრთხოება განხორციელდება წყალტუბოს მუნიციპალიტეტში არსებული საავტომობილო გზების რეაბილიტირება. ასევე საჭიროების შემთხვევაში თოვლის საფარისაგან, მეწყერის,ძლიერი ნალექის შედეგად დაზიანებული გზის გაწმენდა შეკეთება. ორმოული შეკეთება, შუქნიშნების შეკეთება და სიჩქარის შემზღუდავი ბარიერების მოწყობა.

აღნიშნული პროგრამის ფარგლებში იგეგმება შემდეგი ობიექტების მშენებლობა რეაბილიტაცია: ქალაქ წყალტუბოში გზის რეაბილიტაცია ასევე სოფ.გუმბრინში, ფარცხანაყანევში, გეგუთის და სხვა სოფლების გზის რეაბილიტაცია.

საგზაო ნიშნები და უსაფრთხოება - 150, 0 ათასი ლარი.

პროგრამის ფარგლებში განხორციელდება სატრანსპორტო საშუალებების სახელმწიფო ნომრის ამომცნობი და ზოგადი ხედვის კამერების და დეტალების შეძენა-მონტაჟი და მოვლა შენახვა, შუქნიშნების მოვლა - შენახვა, სიჩქარის შემზღუდავი ბარიერების, აბრებისა და ტრაფარეტების შეძენა.

სანიაღვრე სისტემების ექსპლოატაცია/რეაბილიტაცია - 250,0 ათასი ლარი სანიაღვრე ინფრასტრუქტურა წარმოადგენს ერთ-ერთ პრობლემატურ ნაწილს. ქვეპროგრამის ფარგლებში განხორციელდება როგორც მიმდინარე საექსპლოატაციო, ასევე სარეაბილიტაციო და კაპიტალური სამუშაოები. სანიაღვრე არხები მოეწყობა სოფელ გვიშტიბში, სოფელ წყალტუბოში დასხვა სოფლებში ასევე ქალაქის ტერიტორიაზე მოთხოვნის შესაბამისად.

წყლის სისტემების განვითარება -850,0 ათასი ლარი;

აღნიშნული პროგრამა ითვალისწინებს მუნიციპალიტეტის ტერიტორიაზე არსებული წყლის სისტემების როგორც სრულ ასევე ნაწილობრივ რეაბილიტაციას და სასმელი წყლით უზრუნველყოფის ხარჯებს.პრიორიტეტულია მოსახლეობისათვის 24 საათიანი სასმელი წყლის მიწოდება. ასევე მოიცავს შადრევნების წყლის ხარჯის დაფინანსებას და სასმელი წყლით უზრუნველყოფის ხარჯებს.

> გარე განათება -875,0 ათასი ლარი;

ამ პროგრამის ფუნქციონირება მნიშვნელოვანია როგორც ქალაქად ასევე სოფლად, ღამის პერიოდში მუნიციპალიტეტის მოსახლეობისათვის განსაკუთრებით ქალებისა და ბავშვებისათვის, უსაფრთხო და კომფორტული გადაადგილებისათვის, ქვეპროგრამის ფარგლებში განხორციელდება გარე განათების ქსელის შეუფერხებელი ფუნქციონირება და ახალი ქსელის მშენებლობა. მ/შ

გარე განათების ქსელის ექსპლუატაცია -720,0 ათასი ლარი,

გარე განათების ახალი ქსელის მოწყობა- 155.0 ათასი ლარი.

ახალი ქსელის მოეწყობა სოფელ ქვილიშორში, ჩუნეშში, ცხუნკურში და სხვა სოფლებში

ავარიული შენობების და სახლების რეაბილიტაცია - 760,0 ათასი ლარი;

ქვეპროგრამის ფარგლებში განხორციელდება მუნიციპალიტეტის საკუთრებაში არსებული ადმინისტრაციული და სხვა შენობების მშენებლობა-რეაბილიტაცია. წყალტუბოს მუსიკალური სკოლისა და სოფ საყულის კლუბის მშენებლობა რეაბილიტაცია.

ბინათმესაკუთრეთა ამხანაგობების განვითარება-350,0 ათასი ლარი;

პროგრამის ფარგლებში მოხდება წყალტუბოს მუნიციპალიტეტში არსებული ამხანაგობების თანადაფინანსება საცხოვრებელი კორპუსებისა და უბნების კეთილმოწყობისათვის. კერძოდ მრავალბინიანი საცხოვრებელი სახლების სახურავებისა და ფასადების რეკონსტრუქცია, რეაბილიტაცია. ეზოების კეთილმოწყობა, საძირკვლების, სადარბაზოების შიდა რემონტი. განათებისა და ლიფტების რეაბილიტაცია და პანდუსების მოწყობა. დაზიანებული წყალ-კანალიზაციის კომუნიკაციების აღდგენა, წყალსაწრეტი მილების რეაბილიტაცია. თანადაფინანსება გაგრძელდება პრინციპით 10/90. ანუ მოსახლეობა დაფარავს გადასახდელი თანხის 10 % ხოლო მუნიციპალიტეტი 90 %-ს. ასევე პროგრამის ფარგლებში უზრუნველყოფილი იქნება მუნიციპალიტეტის თანამონაწილეობით ბინათმესაკუთრეთა ამხანაგობების საკუთარი და საერთო საკუთრების მოვლაპატრონობა. თანადაფინანსების პრინციპით განხორციელდებული პროექტებითა და ღონისძიებებით მუნიციპალიტეტი აქტიურად ეხმარება მოსახლეობას მნიშვნელოვნად გააუმჯობესოს საცხოვრებელი გარემო და შექმნას ხელსაყრელ პირობები სამოქალაქო საზოგადოების განვითარებისათვის. მოაგვაროს ისეთი სხვადასხვა სახის ლოკალური პრობლემები, რომლებიც წლების განმავლობაში მოუგვარებელია და ასახვა ვერ ჰპოვა ბიუჯეტში.

მუნიციპალიტეტის გამწვანების, გარე განათებისა და კეთილმოწყობის ღონისძიებები - 3 195,0 ათასი ლარი. პროგრამის ფარგლებში განხორციელდება ქალაქში მნიშვნელოვანი და აუცილებელი კეთილმოწყობის ღონისძიებების სრულყოფილად და ეფექტურად განხორციელება. მწვანე ნარგავების მოვლა-პატრონობა, მოსახლეობისთვის ჯანსაღი და კომფორტული გარემოს შექმნა, მუნიციპალიტეტის გამწვანება და ეკოსისტემის გაუმჯობესება. აღნიშნული ღონისძიებების განხორციელებას ემსახურება ა(ა)იპ გამწვანების, გარე განათებისა და კეთილმოწყობის სამსახური

საზოგადოებრივი სივრცეების მოწყობა, რეაბილიტაცია/ექსპლოატაცია -510.0 ათასი ლარი.

ქალაქის მიმზიდველობის გაზრდისათვის ტურისტული ინფრასტრუქტურის გაუმჯობესება, ქალაქის იერსახის გაუმჯობესებისათვის საჭირო სამუშაოების წარმოება. ქალაქის საკუთრებაში არსებული სხვადასხვა შენობების რეაბილიტაცია. გვიშტიბი, ოფშკვიტში, ფარცხანაყანევსა და ხომულში იგეგმება სკვერებისა და ბავშვთა გასართობი ატრაქციონების მოწყობა.

საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 200,0 ათასი ლარით.

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის 50.0 ათას ლარს ზემოთ ღირებული პროექტების საჭირო ხარჯების ანაზღაურება. აღნიშნული ხარჯი განაპირობებს შესრულებული სამუშაოების ხარისხს.

მოქალაქეთა ჩართულობა- 150,0 ათასი ლარი.

მუნიციპალიტეტისათვის მნიშვნელოვანია ადგილობრივი თვითმმართველობის განხორციელების ძირითადი პრინციპის, დემოკრატიის გზით გადაწყვეტილების მიღების პროცესში მოქალაქეთა ჩართულობის უზრუნველყოფა. რისთვისაც ერთ-ერთი საჭირო და მნიშვნელოვანი მექანიზმია მოსახლეობის ინფორმირება ადგილობრივი ხელისუფლების (როგორც წარმომადგენლობითი ისე აღმასრულებელი ორგანოს) მიერ მუნიციპალიტეტში გაწეული საქმიანობის შესახებ.

ქვეპროგრამის ფარგლებში ფინანსდება მოქალაქეთა სხვადასხვა საპროექტო ინიციატივები. ქვეპროგრამის მიზანია საბიუჯეტო პროცესში ხელისუფლებისა და საზოგადოების ურთიერთქმედების ეფექტური სისტემის შექმნა და დანერგვა მუნიციპალიტეტის მოსახლეობის საჭიროებების დასაკმაყოფილებლად. მოსახლეობის მეტი ჩართულობა საბიუჯეტო პროცესში.

დასუფთავება და გარემოს დაცვა განისაზღვრა -2 903,6. ათასი ლარით;

მათ შორის:

დასუფთავება, ნარჩენების გატანა და ცენტრალური პარკის ზედამხედველობა - 2843,6 ათასი ლარი.

პროგრამის ფარგლებში განხორციელდება მუნიციპალიტეტის სოფლების დაგვა-დასუფთავება და ნარჩენების გატანა, გარე ქსელის ბუნკერებიდან საყოფაცხოვრებო ნარჩენების შეგროვება და გატანა. კაპიტალურ დაბანდებებს დასუფთავების სფეროში.

უპატრონო ცხოველების ოპერირება-60,0 ათასი ლარით. აღნიშნული პროგრამის ფარგლებში განხორციელდება უზედამხედველო ძაღლის იზოლირება. ცოფზე ვაქცინაცია. კასტრაცია. სტერილიზაცია და დაბირკვა. სპეციალურ თავშესაფარში გადაყვანა და მოვლა.

განათლება 7 862,3 ათასი ლარი, მათ შორის : მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ პრიორიტეტს წარმოადგენს. აღნიშნული პრიორიტეტის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, მათი რეაბილიტაცია.

2025 წელთან შედარებით საბავშვო ბაღების გაერთიანების სუბსიდირების თანხა გაზრდილია 643,4 ათასი ლარით, რომელიც მიმართული იქნება სკოლამდელ დაწესებულებაში საბავშვო ბაღების საჭიროებისამებრ.

ბავშვთა კვების რაციონის გასაუმჯობესებლად. კერძოდ თვეში ბავშვთა კვება ნაცვლად არსებული 105 ლარისა განისაზღვრება 115 ლარით. გაერთიანებაში რეგისტრირებულია 1500 ბავშვი. ასევე გათვალისწინებულია საბავშვო დაწესებულებებში მცირე სარეაბილიტაციო სამუშაოების წარმოება. ასევე გათვალისწინებულია საქართველოს მთავრობის 2023 წლის 21 თებერვლის N76 დადგენილება, სკოლამდელი აღზრდისა და განათლების დაწესებულებების მიერ ავტორიზაციის გავლის შესახებ, რომლის ფარგლებშიც მიმდინარეობს ქალაქის სამი ბაღის რეაბილიტაცია.

კულტურა, რელიგია, ახალგაზრდობა და სპორტი - 6 412.6 ათასი ლარი.

მუნიციპალიტეტისათვის მნიშვნელოვანია ინფრასტრუქტურული და ეკონომიკური განვითარების პარალელურად ხელი შეეწყოს კულტურული ტრადიციების დაცვას და ღირსეულ გაგრძელებას. კერძოდ მუნიციპალიტეტის კულტურული ცხოვრებისათვის აუცილებელია წლის მანძილზე ჩატარდეს სხვადასხვა ხასიათის კულტურული ღონისძიებები, ფესტივალები და საერთაშორისო კულტურული აქტივობები. ამასთანავე, ერთ-ერთი პრიორიტეტია ახალგაზრდობის მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, მუნიციპალიტეტი განაგრძობს სპორტული და კულტურული ობიექტების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება და მუნიციპალიტეტის სახელის გარე გატანა. ასევე ახალგაზრდობაში ცხოვრების ჯანსაღი წესის წახალისების მიზნით გასატარებელ ღონისძიებებს; პროგრამის ფარგლებში დაგეგმილია სპორტ სკოლის ფუნქციონირების ხელშეწყობა ჯანსაღი მომავალი თაობის აღზრდის მიზნით. გაიზარდა სხვადასხვა ღონისძიებების დაფინანსება, ჩაიგემა კულტურის ობიექტების მცირე სარეაბილიტაციო სამუშაოები. აღნიშნული პროგრამის ფარგლებში მოხდება წყალტუბოს ა(ა)იპ ბავშვთა და ახალგაზრდობის ცენტრის, ა(ა)იპ კულტურის ცენტრის, ა(ა)იპ ტურიზმის განვითარების ცენტრის, ა(ა)იპ „სპორტული სკოლის“ სუბსიდირება.

✓ ა(ა)იპ კულტურის ცენტრი -1 855.6 ათასი ლარი

პროგრამის ფარგლებში მუნიციპალიტეტი განახორციელებს ბიბლიოთეკების, კლუბების, მოსწავლე-ახალგაზრდობის სახლის, მუზეუმებისა და კულტურის სხვა ობიექტების დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული ღონისძიებების ფინანსური მხარდაჭერა, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა. ასევე მოხდება მუნიციპალიტეტში მიმდინარე მოვლენების გაშუქება და პოპულარიზაცია მასობრივი ინფორმაციის საშუალებებით. ცენტრში შედის: 3 მუზეუმი, 2 კულტურის სახლი, 10 სასოფლო კლუბი, 29 სოფლის ბიბლიოთეკა. აგრეთვე ფუნქციონირებს ქორეოგრაფიული ანსამბლი „ივერია“ და ანსამბლი „ნადური.“

კულტურული ღონისძიებები-250.0 ათასი ლარი.

აღნიშნული პროგრამის ფარგლებში გაიმართება სხვადასხვა კულტურული ღონისძიებები: შემოდგომის წყალტუბო, ქალთა საერთაშორისო დღისადმი მიძღვნილი ღონისძიება, აუტიზმის ცნობადობის მსოფლიო საერთაშორისო დღე, 9 აპრილის ღონისძიება, სიყვარულის დღე, ქართული სამოსის დღე, სადღესასწაულო დღეებში სხვადასხვა გასართობი და სანახაობრივი ღონისძიები და ა. შ.

✓ **ახალგაზრდობის მხარდაჭერა -20,0 ათასი ლარი.**

პროგრამის ფარგლებში დაგეგმილია მომავალი თაობის ფიზიკური გაჯანსაღების მიზნით ტურისტული ლაშქრობები. ასევე ახალგაზრდა თაობის ჩართვა მუნიციპალიტეტის ყოველდღიურ საქმიანობაში. ახალგაზრდების ინიციატივებით სხვადასხვა პროექტების განხორციელება, ახალგაზრდული მიმართულებით განხორციელებული ღონისძიებები ხელს შეუწყობს ახალგაზრდების გააქტიურებასა და საზოგადოებრივ ცხოვრებაში ჩართულობას, ახალგაზრდული ფესტივალის ორგანიზებითა და ინიციატივების მხარდაჭერის გზით. ქვეპროგრამის ფარგლებში მოხდება შშმ პირების საზოგადოებაში ინტეგრირება.

ა(ა)იპ ბავშვთა და ახალგაზრდობის ცენტრი - 1 87,3 ათასი ლარი.

სუბსიდია გაიზარდა 161,3 ათასი ლარით. გაერთიანებულია 652 ბავშვი. მ/შ გოგო -434, ბიჭი 218. არსებობს 17 წრე. მათემატიკის, დაწყებითი, ინგლისურის, ხელმარჯვეთა წრე, გიტარის, ხალხური საკრავების, ქართული ხალხური სიმღერების, ეკოლოგიის, ბალეტის და ა. შ.ა(ა)იპ ბავშვთა და ახალგაზრდობის ცენტრის ბაზაზე ფუნქციონირებს 3 ბავშვთა ანსამბლები. თითოეული 42 ბავშვის შემადგენლობით. ეს ანსამბლებია „ოცნება“, „ალილო“ და ფოლკლორული ანსამბლი „ნაკადული“. ა(ა)იპ ბავშვთა და ახალგაზრდობის ცენტრში გაერთიანებულ ბავშვთა სწავლება უფასოა. დასაქმებულია 75 თანამშრომელი 60 ქალი 15 კაცი. ცენტრის ძირითადი მიზანი და მიმართულებაა ქალაქის ახალგაზრდების ინტელექტუალური, შემოქმედებითი, სულიერი და ფიზიკური პოტენციალის გამოვლენა- რეალიზაცია. ეს სწორედ ის პრიორიტეტია რომელიც წარმოადგენს მუნიციპალიტეტის მიმართულებას.

რელიგიური ორგანიზაციების ხელშეწყობა - 100.0 ათასი ლარი.

აღნიშნული პროგრამის ფარგლებში გაგრძელდება მუნიციპალიტეტის ტერიტორიაზე მდებარე ტაძრების მცირე სარეაბილიტაციო სამუშაოების დაფინანსება.

წყალტუბოს სპორტული კლუბების გაერთიანება - 1877,2 ათასი ლარი .

აღსანიშნავია რომ სულ ფუნქციონირებს 11 სექცია. ბერძნულ რომაული, კალათბურთის, კრივი, მაგიდის ჩონგბურთი, მძლეოსნობა, მკლავჭიდი, ნიჩნოსნობა, ჭადრაკი, ტანვარჯიში, ძიუდო , ფარიკაობა და ნიჩნოსნობის სექციები და 4 კლუბი. ფალავანთა , რაგბის , ხელბურთის, ფრენბურთის კლუბები.

რაგბის გუნდს დამატებული ყავს გამორჩეული, უმაღლესი ლიგის წამყვანი მოთამაშეები. იგეგმება სპორტული ობიექტების აღჭურვა, რეაბილიტაცია მშენებლობა. სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული კლუბების გაერთიანების უზრუნველყოფა საჭირო ინვენტარით. პროგრამა ითვალისწინებს წყალტუბოს მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებს.

სპორტული ობიექტების აღჭურვა რეაბილიტაცია - 150.0 ათასი ლარი.

აღნიშნული პროგრამის ფარგლებში განხორციელდება წყალტუბოში, ფარცხანაყანევში, ოფშკვითში, მაღლაკშის სპორტული მოედნების მშენებლობა- რეაბილიტაცია. ახალი სპორტული მოედნების მშენებლობა იგეგმება როგორც სოფლად ასევე ქალაქის ტერიტორიაზე.

ა(ა)იპ წყალტუბო არენა - 776,5 ათასი ლარი

ახორციელებს მუნიციპალიტეტში მდებარე 2 სტადიონის მოვლა პატრონობას, მინდვრის გაპარსვა, შეღებვა, მორწყვა გაწმენდა და შხამქიმიკატების შეტანა. აღნიშნული ორგანიზაცია უზრუნველყოფს სტადიონების მზადყოფნას წლის ნებისმიერ პერიოდში.

წყალტუბოს მუნიციპალიტეტის ტურიზმის განვითარების საკოორდინაციო ცენტრი- 241,0 ათასი ლარი.

2025 წლის მაჩვენებელთან შედარებით სუბსიდია გაიზარდა 37,1 ათასი ლარით. მისი ფუნქციაა მუნიციპალიტეტის ცნობადობის ამაღლება, საერთაშორისო ტურისტულ გამოფენებში მონაწილეობა, ქალაქის წარმოჩენა და კადრების გადამზადება საერთაშორისო სტანდარტების შესაბამისად, რაც ზრდის ვიზიტორთა სანდოობას. კოორდინაცია, კურორტის პოპულარიზაცია. სახვადასხვა ღონისძიებების, ფორუმების, კონფერენციების, გამოფენების გამართვა/ მონაწილეობის გზით, სარეკლამო და საინფორმაციო ბეჭდური მასალების შექმნა და გავრცელება, ქალაქის რეკლამირება მიზნობრივ ბაზრებსა და ღონისძიებებზე, ინტერნეტსა და სოციალურ ქსელებში შესაბამისი მასალების განთავსება, ტურისტების საჭიროებების კვლევაზე დაყრდნობით სხვადასხვა პროექტების განხორციელება.

მოსახლეობის ჯანმრთელობის დაცვა და სოციალური უზრუნველყოფა- 3 875,6 ათასი ლარი.

პროგრამის მიზანია ქალაქის ტერიტორიაზე მცხოვრები მოსახლეობის სხვადასხვა ფენების სოციალური დახმარებებით უზრუნველყოფა.

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. ამიტომ მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით უზრუნველყოფას.

ასევე ერთიანი სახელმწიფო პოლიტიკის ფარგლებში გაგრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ მუნიციპალიტეტის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

წყალტუბოს მუნიციპალიტეტისათვის ადამიანი და მასზე ზრუნვა იყო, არის და იქნება მთავარი ღირებულება.

ქვეპროგრამის ფარგლებში ხორციელდება

ა(ა)იპ „საზოგადოებრივი ჯანდაცვის ცენტრის“ სუბსიდირება - 306.0 ათასი ლარი;

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის აღრიცხვა, დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა; COVID- 19-ის ტესტირება, დაავადებულების მოკვლევა დადგენილი წესის მიხედვით, C ჰეპატიტის სკრინინგი და დადებით შემთხვევაში მკურნალობა. მოხდება ა(ა)იპ „საზოგადოებრივი ჯანდაცვის ცენტრის“ თანამშრომელთა სახელფასო სარგოს ზრდა 10%-ით

ა(ა) იპ წყალტუბოს მუნიციპალიტეტის სათნოების სახლის სუბსიდირება- 627,8 ათასი ლარით. წინა საანგარიშო წელთან მიმართებაში სუბსიდირება გაზრდილია 30,4 ათასი

ლარით. აღნიშნული მატება განპირობებულია იმით რომ ქვეპროგრამის ფარგლებში განხორციელდება 240 სოციალურად დაუცველი და შეჭირვებულის კვებით უზრუნველყოფა. ნაცვლად 220 ბენეფიციარისა. წარმატებით ფუნქციონირებს ე.წ. „შინ მოვლის პროგრამა“. მუნიციპალიტეტი შინ მოვლის პროგრამით მომსახურეობას უწევს მუნიციპალიტეტში მცხოვრებ 20 შეჭირვებულ მოქალაქეს, რომლებიც მუნიციპალიტეტის სხვადასხვა სოფლებში ცხოვრობენ. გაუმჯობესდა კვების მენიუ. ნაცვლად 2025 წელს არსებული 4,5 ლარისა, კვების ღირებულება შეადგენს 5,0 ლარს. შეიცვლება სამზარეულო ინვენტარი.

ა(ა)იპ “ ბავშვთა ინკლუზიური ცენტრი“- 323,3 ათასი ლარი.

ქვეპროგრამის ფარგლებში ხორციელდება მუნიციპალიტეტის ტერიტორიაზე რეგისტრირებული 0-დან 18- წლამდე შშმ პირის სტატუსის მქონე ბენეფიციარების ზრდა განვითარების ხელშეწყობა. მათი იზოლაციიდან გამოყვანა და საზოგადოებასთან ინტეგრაცია. ამჟამად ა(ა)იპ “ ბავშვთა ინკლუზიური ცენტრი“-ში სწავლებას გადის 18 აღსაზრდელი. ა(ა)იპ “ ბავშვთა ინკლუზიური ცენტრი“- ს სუბსიდირება გაიზარდა 39,4 ათასი ლარით. სუბსიდიის ზრდა განპირობებულია მცირე სარეაბილიტაციო სამუშაოების საწარმოებლად და აუცილებელი საჭირო ინვენტარის შესაძენად.

სოციალური პროგრამები - 2 618,5 ათასი ლარი;

გრძელდება პროგრამები მუნიციპალიტეტის ტერიტორიაზე რეგისტრირებული სოციალურად დაუცველი ოჯახებისათვის ინდივიდუალური სახლების მშენებლობა/შემენა . მიმდინარე საანგარიშო პერიოდში გათვალისწინებულია 325.0 ათასი ლარი, კრიზისულ მდგომარეობაში მყოფი ბავშვიანი ოჯახების დახმარება, წარჩინებულ სტუდენტების ყოველთვიური სტიპენდია. და ა. შ. სულ მოქმედებს 17 პროგრამა.

გათვალისწინებულია შემდეგი პროგრამების დაფინანსება:

მუნიციპალიტეტის ტერიტორიაზე რეგისტრირებულ დღევრძელ პირთა დახმარება- -3,0 ათასი ლარი; ქვეპროგრამის მიზანია მუნიციპალიტეტის ტერიტორიაზე რეგისტრირებულ ასი და მეტი წლის უზუცესების ფინანსური დახმარება 1000 ლარის ოდენობით.

მუნიციპალიტეტის ტერიტორიაზე რეგისტრირებულ მოქალაქეთა სარიტუალო დახმარება- 13.5 ათასი ლარი; ქვეპროგრამის მიზანია მუნიციპალიტეტის ტერიტორიაზე რეგისტრირებულ იძულებით გადაადგილებილ პირთა , სამშობლოს დაცვისას დაღუპულთა და ომის შემდგომ გარდაცვლილ მეომართა ოჯახების, ასევე უჭირისუფლო გარდაცვლილის დაკრძალვის ხარჯების ნაწილობრივ ანაზღაურება. აღნიშნული პროგრამის დაფინანსება ხორციელდება მიზნობრივი ტრანსფერით.

მუნიციპალიტეტის ტერიტორიაზე რეგისტრირებულ მოქალაქეების ერთჯერადი ფულადი დახმარება- 850.0 ათასი ლარი; ქვეპროგრამის მიზანია მუნიციპალიტეტის ტერიტორიაზე რეგისტრირებული მოქალაქეების ერთჯერადი დახმარება სხვადასხვა კატეგორიებზე. რათა მოხდეს მოსახლეობისათვის სხვადასხვა სოციალური სერვისების ხელმისაწვდომობის გაუმჯობესება, მათი ფინანსური მხარდაჭერა და თანადგომა. გრძელდება ისეთი პროგრამების დაფინანსება როგორიცაა ახალი სასწავლო წლის დაწყებასთან დაკავშირებით სოციალურად დაუცველი (სარეიტინგო ქულა 0-დან 120 000 ქულის ჩათვლით) პირველკლასელებისათვის სასკოლო ნივთების შესაძენად -100 ლარის თანადაფინანსება. მუნიციპალიტეტის ტერიტორიაზე რეგისტრირებული წარჩინებული სტუდენტებისათვის, რომელთაც ერთიანი ეროვნული გამოცდების შედეგების საფუძველზე მოიპოვეს სახელმწიფო სასწავლო 100 %-იანი გრანტი, 2026 წლის

განმავლობასი მიეცემათ სტიპენდია 200 ლარი მუნიციპალიტეტის ბიუჯეტიდან. 70 % - იანი გრანტის შემთხვევაში 150 ლარი, ხოლო 50 %-იანი გრანტის დროს 100 ლარი ყოველთვიური სტიპენდია.

მუნიციპალიტეტის ტერიტორიაზე რეგისტრირებულ ოჯახების მატერიალური წახალისება, დემოგრაფიული მდგომარეობის გაუმჯობესება -130.0 ათასი ლარი. ქვეპროგრამის მიზანია მრავალშვილიანი ოჯახებისათვის სოციალური გარანტიების შექმნა, მათი თანადგომა და მხარდაჭერა.

მუნიციპალიტეტის ტერიტორიაზე რეგისტრირებულ მოქალაქეების სამედიცინო დახმარების თანადაფინანსება- -900. 0 ათასი ლარი; ქვეპროგრამის მიზანია მუნიციპალიტეტის ტერიტორიაზე რეგისტრირებული მოქალაქეების სამედიცინო მომსახურების გეგმიური და გადაუდებელი სტაციონალური ქირურგიული ოპერაციები, სხვადასხვა ლაბორატორიულ ინსტრუმენტული და სხვა სახის კვლევების ხარჯების ნაწილობრივი დაფინანსება და პრევენციის შედეგად ჯანმრთელობის გაუმჯობესება.

სტიქიის ხანძრის შედეგად დაზარალებულ მუნიციპალიტეტის ტერიტორიაზე რეგისტრირებულ მოქალაქეების დახმარება-155,0 ათასი ლარი; ქვეპროგრამის მიზანია სტიქიის შედეგად დაზარალებული მოსახლეობის მდგომარეობის გაუმჯობესება.

მუნიციპალიტეტის ტერიტორიაზე რეგისტრირებული განსაკუთრებული საჭიროების მქონე ბავშვიანი ოჯახების დახმარება-40.0 ათასი ლარი. განსაკუთრებული საჭიროების მქონე ბავშვიანი ოჯახების გაძლიერებისა და დახმარების

ქვეპროგრამის ფარგლებში ფინანსდებიან წყალტუბოს მუნიციპალიტეტში რეგისტრირებული ბავშვიანი ოჯახები, რომლებიც იმყოფებიან მძიმე სოციალურ - ეკონომიურ მდგომარეობაში და/ან საჭიროებენ დახმარებას. აღნიშნული ქვეპროგრამიდან თითოეულ ოჯახზე გასაცემი თანხის ოდენობა არ აღემატება 2500 ლარს. გასაცემი თანხის ზუსტ ოდენობას განსაზღვრავს შესაბამისი კომისია. ქვეპროგრამის მიზანია მუნიციპალიტეტის ტერიტორიაზე რეგისტრირებული კრიზისულ მდგომარეობაში მყოფი ოჯახების თანადგომა და მხარდაჭერა.

მუნიციპალიტეტის ტერიტორიაზე რეგისტრირებული სოციალურად დაუცველი ოჯახებისათვის ინდივიდუალური სახლების მშენებლობა/შეძენა -325.0 ათასი ლარი. 2026 წელს იგეგმება 5 ახალი სახლის მშენებლობა.

მუნიციპალიტეტის ტერიტორიაზე რეგისტრირებული დედ-მამით ობოლი ბავშვთა დახმარება- 12,0 ათასი ლარი.

მუნიციპალიტეტის ტერიტორიაზე რეგისტრირებულ მოქალაქეთა ბინის ქირით უზრუნველყოფა. 200,0 ათასი ლარი.

სპციალიზირებულ დაწესებულებიდან (მათ შორის მინდობით აღზრდიდან) ბიოლოგიურ ოჯახში, მეურვესთან / მზრუნველთან საცხოვრებლად დაბრუნებული ბავშვების ფინანსური დახმარება ქვეპროგრამის ფარგლებში ოჯახის გაძლიერების მიზნით გაეწევა დახმარება სპციალიზირებულ დაწესებულებიდან (მათ შორის მინდობით აღზრდიდან) ბიოლოგიურ ოჯახში, მეურვესთან / მზრუნველთან საცხოვრებლად დაბრუნებულ თითოეულ ბავშვს, წელიწადში ორჯერ, ექვს თვეში ერთხელ 250 ლარი, წელიწადში 500 ლარი. ქვეპროგრამის მიზანია: ბავშვების დახმარება.

სადღესასწაულო დღეებში ფინანსური დახმარება ქვეპროგრამის ფარგლებში დაგეგმილია ა(ა)იპ „სათნოების სახლის“ ბენეფიციარების მატერიალური მხარდაჭერა

სადღესასწაულო დღეებში (ახალი წელი, აღდგომა). ფინანსური დახმარება განისაზღვრება სააღდგომოდ 100 ლარით და საახალწლოდ - 100 ლარით. ქვეპროგრამის მიზანია სადღესასწაულო დღეებში ბენეფიციართა ფინანსური და მორალური მხარდაჭერა.

გამლიერებული ადგილობრივი თემების ახალგაზრდები კატასტროფების ზეგავლენის შემსუბუქების, უსაფრთხო გარემოსა და სიცოცხლის ხელშეწყობისათვის წყალტუბოში ქვეპროგრამის ფარგლებში ხორციელდება საქართველოს წითელი ჯვრის საზოგადოების სუბსიდირება შემდეგ ღონისძიებებზე: უსაფრთხო თემების ჩამოყალიბების / განვითარების ხელშეწყობა, კატასტროფებისთვის მზადებით, ჯანდაცვაზე ხელისაწვდომობის გაზრდითა და სოციალური მხარდაჭერით; კატასტროფების მიმართ მოწყვლადობის შემცირებით, მზადყოფნისა და რეაგირების შესაძლებლობების გაზრდით. შედეგობის გაძლიერება ყოველდღიურ უბედურ შემთხვევებთან, დაავადებებთან და ეპიდემიებთან, კონფლიქტურ და კრიზისულ სიტუაციებთან უკეთ გამკლავებისა და ჯანდაცვაზე ხელმისაწვდომობის გაზრდის მიზნით. ცენტრზე დაფუძნებული საქმიანობების განვითარება მოწყვლადი ჯგუფების, მათ შორის ხანდაზმულებისა და ახალგაზრდებისათვის. ქვეპროგრამის მიზანია უსაფრთხო თემების ჩამოყალიბების / განვითარების ხელშეწყობა.

ქალისა და მამაკაცის თანასწორობის ხელშეწყობა - ქალისა და მამაკაცის თანასწორობის ხელშეწყობის პროგრამით მოხდება მუნიციპალიტეტში მცხოვრები ყველა გენდერულად სენსიტიური ჯგუფის - ძალადობის მსხვერპლი და/ან რისკ-ჯგუფის ქალების, მარტოხელა და/ან ქვრივი მშობლების (როგორც ქალის ისე კაცის), განსაკუთრებული საჭიროებების მქონე ახალგაზრდების, სოციალურად დაუცველი მრავალშვილიანი ოჯახების, შშმ პირების, მარტოხელა და ზრუნვის პოლიტიკის საჭიროების მქონე ხანდაზმულების, იგპ პირების საჭიროებების შესწავლა და ამ საჭიროებებზე მორგებული საბიუჯეტო წინადადებების შემუშავება და დანერგვა. პროგრამის მიზანია ცნობიერების ამაღლება, გენდერული საჭიროებების კვლევა.

მმართველობა და საერთო დანიშნულების ხარჯი -7 922,0 ათასი ლარი. აღნიშნული მოიცავს ისეთ ღონისძიებებს, რომლებიც ადმინისტრაციული ხასიათისაა და ხელს უწყობს სისტემის გამართულ ფუნქციონირებას ან/და დაკავშირებულია შესაბამის სფეროში სხვადასხვა საკითხების რეგულირებასთან, როგორიცაა საკანონმდებლო და აღმასრულებელი საქმიანობის ადმინისტრაციული ხარჯების დაფინანსება, მათ შორის: შრომის ანაზღაურება, საქონელი და მომსახურება და სხვა. ასევე პრიორიტეტიდან ფინანსდება ისეთი ხარჯები, როგორიცაა სარეზერვო ფონდი, მუნიციპალიტეტის ვალდებულებების (სესხები, სასამართლო გადაწყვეტილებები) მომსახურება, კადრების მომზადება-გადამზადება და სარეზერვო ფონდი.

- საკრებულოს დაფინანსება - 2098,9 ათასი ლარი;
- ✓ მერია - 5 672,1 ათასი ლარი;
- ✓ სარეზერვო ფონდი - 100,0 ათასი ლარი;
- ✓ თანამშრომლების სწავლება გადამზადება - 51,0 ათასი ლარი;
- ✓ სარეზერვო ფონდი - 100,0

მხარჯავი დაწესებულებების მიხედვით მუნიციპალიტეტის ბიუჯეტის ასიგნებები შემდეგნაირად განისაზღვრება:

/ათასი ლარი/

პროგრამული კოდი	დასახელება	2025 წლის პროექტი
	სულ ჯამი	38500,0
0100	მმართველობა და საერთო დანიშნულების ხარჯები	7922,0
01 0101	საკრებულო	2098,9
0101 02	მერია	5672,1
0101 04	თანამშრომელთა გადამზადება	51,0
010102	სარეზერვო ფონდი	100,0
02 00	ინფრასტრუქტურის განვითარება	9 368,9
02 01	საგზაო ინფრასტრუქტურის	3 201,8
02 02	წყლის სისტემების და სანიაღვრე არხები განვითარება	1100,0
02 03	გარე განათება	875,0
02 04	ავარიული შენობების და სახლების რეაბილიტაცია	760,0
0205	ბინათმესაკუთრეთა ამხანგობების განვითარება	350,0
0206	საზოგადოებრივი სივრცეების მოწყობა რეაბილიტაცია	510,0
0206	კეთილმოწყობის ღონისძიებები	3195,0
0208	საპროექტო სახარჯთაღრიცხვო დოკუმენტაციის შეძენა	100,0
0209	სამშენებლო სამუშაოების ტექნიკური ზედამხედველობა და ექსპერტიზა	100,0
0210	მოქალაქეთა ჩართულობა	150,0
03 00	დასუფთავება გარემოს დაცვა	2903,6
03 02	უპატრონო ცხოველების ოპერირება	60,0
03 03	დასუფთავება , ნარჩენების გატანა და ცენტრალური პარკის ზედამხედველობა	2843,6
04 00	განათლება	7862,3
04 01	საბავშვო ბაღების გაერთიანება	7862,3
05 00	კულტურა, რელიგია, ახალგაზრდობა და სპორტი	6412,6
05 01	სპორტის განვითარების ხელშეწყობა	2858,7
0502	კულტურის სფეროს დაწესებულებების ხელშეწყობა	2105,6
0502	ბავშვთა და ახალგაზრდობის ცენტრი	1087,3
0502	ტურიზმის განვითარების საკოორდინაციო ცენტრი	241,0
0502	რელიგიური ორგანიზაციების ხელშეწყობა	100,0
0503	ახალგაზრდობის მხარდაჭერა	20,0
06 00	მოსახლეობის ჯანმრთელობის დაცვა და სოციალური უზრუნველყოფა	4030,6
06 01	ჯანმრთელობის დაცვა	306,0
06 02	სოციალური პროგრამები	3724,6
060201	წყალტუბოს მუნიციპალიტეტის სათნოების სახლი	627,8
0602	მუნიციპალიტეტის ტერიტორიაზე რეგისტრირებულ დღეგრძელ პირთა დახმარება	3,0
0602	მუნიციპალიტეტის ტერიტორიაზე რეგისტრირებული ოჯახების მატერიალური წახალისება დემოგრაფიული მდგომ. გაუმჯობესებისათვის	130,0
0602	მუნიციპალიტეტის ტერიტორიაზე რეგისტრირებული	13,5

პროგრამული კოდი	დასახელება	2025 წლის პროექტი
	მოქალაქეთა სარიტუალო	
0602	მუნიციპალიტეტის ტერიტორიაზე რეგისტრირებული მოქალაქეთა ერთჯერადი დახმარება	850,0
0602	ბავშვთა ინკლუზიური ცენტრი	323,3
0602	მუნიციპალიტეტის ტერიტორიაზე რეგისტრირებული მოქალაქეთა სამედიცინო დახმარების თანადაფინანსება	900,0
0602	სტიქიის, ხანძრის შედეგად დაზარალებულ მუნიციპალიტეტის ტერიტორიაზე რეგისტრირებულ მოქალაქეების დახმარება	155,0
0602	ქალისა და მამაკაცის თანასწორობის ხელშეწყობა	7,0
0602	მუნიციპალიტეტის ტერიტორიაზე რეგისტრირებულისოციალურად დაუცველი ოჯახებისათვის ინდივიდუალური სახლების მშენებლობა /შეძენა	325,0
0602	მუნიციპალიტეტის ტერიტორიაზე რეგისტრირებული განსაკუთრებული საჭიროების მქონე ბავშვიანი ოჯახების დახმარება	40,0
0602	დედმამით ობოლ ბავშვთა დახმარება	12,0
0602	ბინის ქირით უზრუნველყოფა	200,0
0602	წარჩინებული სტუდენტების ყოველთვიური სტიპენდია	65,0
0602	სპეციალიზებული დაწესებულებიდან მზრუნველთან საცხოვრებლად დაბრუნებული ბავშვის დახმარება	3,0
0602	სადღესასწაულო დღეებში ფინანსური დახმარება	50, 0
0602	გამლიერებული ადგ. თემების ახალგაზრდები კატასტროფების ზეგავლენის შემსუბუქების, უსაფრთხო გარემოსა და სიცოცხლის ხელშეწყობისათვის წყალტუბოში	20. 0

ამავდროულად ბიუჯეტი ითვალისწინებს ვალის დაფარვას

სსიპ „საქართველოს მუნიციპალური განვითარების ფონდსა“ და წყალტუბოს მუნიციპალიტეტს შორის გაფორმებული „საქართველოს მყარი ნარჩენების მართვის პროექტის“ ქონების გადაცემის ხელშეკრულების ფარგლებში (ხელშეკრულება მოქმედებს 2017 წლიდან) გაცემული სესხის შესაბამისად 2026 წლის 01 იანვრისთვის წყალტუბოს მუნიციპალიტეტის ვალი შეადგენს 29,3 ათ ლარს, 2026 წლისთვის (28 აპრილი და 28 ოქტომბერი). იგეგმება ვალის დაფარვა მთლიანად

შესაძლებელია ითქვას რომ წარმოდგენილი პროექტი ითვალისწინებს მნიშვნელოვანი რესურსის გამოყოფას და ოპტიმალურ გადანაწილებას სხვადასხვა სფეროებზე. რაც საბოლოო ჯამში გარკვეულწილად გააუმჯობესებს წყალტუბოს მუნიციპალიტეტის ინფრასტრუქტურას და ხელს შეუწყობს მოსახლეობის სოციალურ ეკონომიკური მგომარეობის გაუმჯობესებას.

ცალკეულ სფეროებში განხორციელდა ქალისა და მამაკაცის თანასწორობის საკითხების შესწავლა და შესაბამისი თანხების გათვალისწინება ბიუჯეტის დაგეგმვის დროს. მუნიციპალიტეტი უზრუნველყოფს ქალისა და მამაკაცის უთანასწორობის შემცირების მიზნით შესაბამისი გასატარებელი ღონისძიებების მხარდაჭერას ადგილობრივი რესურსებით.

ბიუჯეტის ხარჯები ეკონომიკური კლასიფიკაციით

ბიუჯეტის ხარჯები განისაზღვროს 34257,4 ათასი ლარით:

წყალტუბოს მუნიციპალიტეტის ბიუჯეტის არაფინანსური აქტივების ცვლილება განისაზღვროს 3887,0 ათასი ლარით. მათ შორის,

ა) განისაზღვროს წყალტუბოს მუნიციპალიტეტის ბიუჯეტის არაფინანსური აქტივების ზრდა - 4187,0 ათასი ლარით თანდართული რედაქციით:

მუნიციპალიტეტის მერია და შესაბამისი სამსახურები მზადყოფნას გამოთქვამენ წარმოდგენილ პროექტში თანხობრივი და თვისობრივი პარამეტრების მიმართ შენიშვნების, წინადადებების განსახილველად. ამასთან წინადადებები ცალკეული პროგრამების და პროექტების თანხობრივ ზრდაზე განხილულ იქნება შესაბამისი თანხით ალტერნატიული წყაროს მითითების შემდგომ, რამდენადაც მუნიციპალიტეტის ბიუჯეტის ფინანსური ბაზა არ იძლევა წარმოდგენილზე მეტი ოდენობით გადასახდელების პროგნოზირება-დაგეგმვის შესაძლებლობას.

წყალტუბოს მუნიციპალიტეტის 2026 წლის ბიუჯეტის დამტკიცების შესახებ“ დადგენილების პროექტთან ერთად წარმოდგენილია:

1. მუნიციპალიტეტის პრიორიტეტების დოკუმენტი (2026-2029 წლები);
2. ინფორმაცია 2025 წლის 9 თვის შესრულების შესახებ;
3. ინფორმაციას ბიუჯეტით განსაზღვრული პროგრამების/ქვეპროგრამების, მათი მოსალოდნელი შედეგებისა და შესრულების შეფასების ინდიკატორების შესახებ;
4. კაპიტალური ბიუჯეტის დანართი;
5. ინფორმაცია მუნიციპალიტეტის მიერ დაფუძნებული ა(ა)იპ-ების შემოსულობების, გადასახდელების და ნაშთის ცვლილების შესახებ;
6. ინფორმაცია ბიუჯეტით გათვალისწინებული „სხვა ხარჯები“-ს მუხლით დაგეგმილი ღონისძიებების შესახებ.

ბ) ბავშვის უფლებრივ მდგომარეობაზე კანონპროექტის ზეგავლენის შეფასება:

წლიური ბიუჯეტის პროექტი არ ანიჭებს ან ზღუდავს ბავშვთა უფლებრივ მდგომარეობას და ასახავს არსებული პოლიტიკის ფარგლებში განსახორციელებელი ღონისძიებების დასაფინანსებლად საჭირო რესურსებს პასუხისმგებელი მხარჯავი დაწესებულებების შესაბამის პროგრამულ კოდებში.

ე) დადგენილების ავტორი

მუნიციპალიტეტის საფინანსო-საბიუჯეტო სამსახური

ვ) დადგენილების ინიციატორი

მუნიციპალიტეტის მერი